



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEME LA GAE (HL)

LEPHEPHE LA BOBEDI (P2)

DIBATSELA 2017

MEMORANTAMO

MEPUTSO: 80

Palomoka ya matlakala a memorantamo ke 24.

DITŠHUPETŠO TŠA GO SWAYA

- Ge molekwa a arabile dipotšišo tše di fetago palo yeo e nyakegago, swaya ya mathomo fela (Molekwa ga a swanela go araba potšišo ye telele le ye kopana go tšwa pukung e tee)
- Karolong ya A: Ge molekwa a arabile dipotšišo tše nne ka moka mo diretong tše di kgethilwego, swaya tše pedi tša mathomo
- Go dikarolo tša B le C: Ge molekwa a arabile dipotšišo tše kopana tše pedi goba tše telele tše pedi, swaya ya mathomo o hlokomologe ya bobedi. Ge molekwa a arabile dipotšišo ka moka tše nne, swaya fela ya pele mo karolong ye nngwe le ye nngwe ge e le gore go arabilwe potšišo ye kopana le ye telele
- Ge molekwa a file dikarabo tše pedi, moo e lego gore ya mathomo e fošagetše mola ya bobedi e nepagetše, swaya ya mathomo gomme o hlokomologe ya bobedi
- Ge dikarabo di sa nomorwa ka tshwanelo, swaya go ya ka memorantamo
- Ge mopeleto wo o fošagetšego o ama tlhalošo, swaya phošo. Ge o sa ame tlhalošo, gona mo fe mopotso
- Potšišo ye telele: Ge karabo ya potšišo ye telele e le ka tlase ga botelele bjo bo nyakegago, se mo otle ka ge a šetše a ikotlile. Ge e le ye telele kudu, lekola fela mantšu ao e ka bago a 50 o hlokomologe taodišo yeo e šetšego fela, o bale thumo
- Dipotšišo tše kopana: Ge molekwa a sa šomiše ditsebjana moo a kgopetšwego go tsopola, se mo otle
- Mabapi le dipotšišopulego: Ga go meputso ye e tlogo abja go dikarabo tša Ee/Aowa goba Dumela/Go se dumele. Meputso e tlo fiwa fela go lebaka le le fiwago
- Ga go meputso ye e tlogo abja go dikarabo tša NNETE/MAAKA goba NTLHA/KGOPOLO. Meputso e tlo fiwa fela go lebaka le le fiwago

KAROLO YA A: THETO**MONTSHEPETŠABOŠEGO – M Mamabolo****POTŠIŠO YA 1: 'O LLELANG?' – PM Mashilo****Mohlala wa karabo:****Teori ya tshwantšhanyo**

Tshwantšhanyo ke ye nngwe ya dikapolelo.

Dikapolelo ke polelo ya go iphahla ya go nontšha polelo. Ka tšona sereti se hlompha polelo.

Tshwantšhanyo ke sekapolelo seo ka sona go bapetšwago dilo tše pedi tšeo di sa swanego.

Mehlala ya tshwantšhanyo mo seretong se e tšwelela methalothetong ya:

2 – Ke kobakoba boka ngwajana wa Thibiri:

- Go swantšhwa moreti le ngwajana
- Mohola: Go hlalošwa go tlalelwa ga moreti

4 – Motonwana o penapeniša boka sekhwiri:

- Go swantšhwa moretwa le sekhwiri
- Mohola: Go hlalošwa go sepela ka boikgantšho ga moretwa

10 – Homola boka leswiswi:

- Go swantšhwa moretwa le leswiswi
- Mohola: Go hlalošwa go ba mathateng/homola ga moreti

Max 6

Teori: 02 }

Dintlha: 06 } Diteng

Polelo = -Tirišo ya polelo: dika, diema, bj.bj.

-Thulaganyo ya polelo. = 01

Sebopego/Tlhamego = - Matseno, mmele le thumo

- Mafoko

- Ditemana = 01

[10]**POTŠIŠO YA 2: 'CHRIS HANI' – MJ Mojalefa**

2.1 Mokgapamogolo. (1)

2.2 A išwa tlhabong a hloka molato (Mothalotheto wa 6) (1)

2.3 Balekwa ba tla fa ditlhalošo tša go fapana.

Mohlala:

- Sereti se swantšha Chris Hani le Morena Jesu yo a bapotšwego ka lebaka la makgopo a batho
- Le ge a išitšwe Golgotha bokaKriste fela yena ga se a tsoga bahung

GOBA

- Chris Hani o be a lwela tokologo ya Mafrika-Borwa ka moka
- Tokologo yeo ga se a ka a e bona ka ge a ile a bolawa (2)

2.4

- Go gatelela dikgopolo
- Go tlemaganya dikgopolo
- Go tšweletša mošito ka gare ga metara (TŠE PEDI fela) (2)

- 2.5 Pebofatšo – ba bošego
• Ke go tšweletša polelo ya tlhompho (2)
- 2.6 Balekwa ba tla tšweletša maikutlo a go fapana.
Mohlala:
Maikutlo a go nyama le bohloko
• Go a nyamiša ebile go kweša bohloko go bolaya moetapele (Chris Hani) (2)
[10]

POTŠIŠO YA 3: 'THAKA YE TSEHESE' – MM Rakoma

- 3.1 Mekgato e thiba dinko. (1)
- 3.2 Tlala, mokhora (1)
- 3.3
• Nyelele – **timelele/nyamelele/moyafale**
• Gopego – **omego/pšhego** (2)
- 3.4
• Sereti se laetša kgopelo go bafsa ka go ba kwela bohloko
• Sereti se gatelela kgopelo ya sona (2)
- 3.5
• Sereto se bopilwe ka ditemanatheto tše hlano
• Ditemanatheto di na le methalotheto ye mene ye mene
• Methalotheto ke ye mekopana le ya magareng
• Se bopilwe ka methalotheto ye masomepedi
(TŠE PEDI fela) (2)
- 3.6 Balekwa ba tla fa dikarabo tša go fapana.
Mohlala:
• Maitshwaro a bona a a swana
• Ba ba le bana e sa le ba bannyane
• Bafsa ba matšatši a ba gakanegile, ga ba tsebe pele le morago
• Bafsa ba hlakiša/tlaiša batswadi
(TŠE PEDI fela) (2)
[10]

POTŠIŠO YA 4: 'SEROPE SA MABU A AFRIKA' – LE Mphasha

- 4.1
• Go nkgišetšana mahwafa – seka
• Ntlolele ga e tswale kgoši – seema (2)
- 4.2
• Mabu a Afrika re a filwe ke Modimo
• Sereti se sola bao ba jago mahumo a Afrika ba tima ba bangwe (2)
- 4.3
• Dikarolometara ke tše pedi: Sona ge A re fa le mellwane ga se A re segela
• Go na le poeletšo ya: A re
• Go na le sešura: Sona ge A re fa/ (khutšo ye nnyane) mellwane ga se A re segela// (khutšo ye kgolo)
• Molekwa ge a ka bolela ka poeletšo: medumo, dinoko, dikgopolo, ditumanoši le dihloa tša mošito a fiwe moputso
(TŠE PEDI fela) (2)

- 4.4 Balekwa ba tla fa dikarabo tša go fapana.
Mohlala:
Moya wa leago/khutšo
- Sereti se hlohleletša phedišano le go abelana mahumo mo kontinenteng ya Afrika (2)
- 4.5 Balekwa ba tla fa dikarabo tša go fapana.
Mohlala:
Ee,
- Sereti se kgalemela dintwa le go bolayana ga Maafrika
 - Se laetša gore batho ge re phela mmogo re swanetše go kgotlelelana le go thušana go rarolla mathata
- Goba
- Aowa,
- Dintwa di sa tšwela pele ka ge ba sa baka go buša (2)
- [10]**

LE

SERETO SEO SE SA BONWAGO (KE KGAPELETŠO)

POTŠIŠO YA 5: 'O NTIRILE SEFOFU' – MV Shai

- 5.1 Moratiwa, o ntirelang sefofu letšatši le sa hlaba? (1)
- 5.2 ... go tloga kgale. (1)
- 5.3
- Sereti se be se rata le go botegela seretwa
 - Sereti se hlafetšwe ke bophelo, seretwa se fetogile menomašweumabolaya'sega (2)
- 5.4 Papadišantšu ke fao sereti se bapalago ka mantšu go tšweletša dikgopolo.
- Mohlala: O myemyela ka myemyelokwena
...ke go rata ka pelo yohle ya leratorato
...ke go bota go tšohle ka potegorato (2)
- 5.5 Ke makgethepolelo/Potšišoretoriki
- Sereti se botšiša dipotšišo tšeo se nago le dikarabo tša tšona (2)
- 5.6 Balekwa ba tla fa maikutlo a go fapana.
Mohlala:
Maikutlo a lehloyo
- Ka lebaka la gore o senyeditše sereti tšhelete le nako
 - O gobošitše sereti ka go se tšhabela
(LE TEE fela) (2)
- [10]**

PALOMOKA YA KAROLO YA A: 30

KAROLO YA B: PADI/KANEGELOTŠHABA**POTŠIŠO YA 6: POTŠIŠO YE TELELE****BADIMO BA BOLETŠE – MJ Mpepele****Mohlala wa karabo:****Teori ya semelo sa moanegwa:**

Semelo sa moanegwa se lebane le maitshwaro a gagwe. Woo ke mokgwa wo moanegwa a phelago ka gona go ya le ka moo mongwadi a mo tšweleditšego pading. Ge re sekaseka semelo sa moanegwa gantši go lebeletšwa dintlha tšeo di latelago:

- Ditiro le dipolelo tša moanegwa
- Baanegwa ba bangwe ba reng ka yena
- Leina la moanegwa
- Polelo ya mongwadi goba molaodiši/moanegi

Semelo sa Ditau**(a) Polelo ya gagwe**

- *Ke motho wa lenyatšo*

Mohlala: O bolela le mmagwe ka lenyatšo o re: 'Wena mma o homole o re tuu...!' (letl. 27)

(b) Ditiro tša gagwe

- *O rata basadi*

Mohlala: O ratana le Mpimpi, Seritša, Nthuše le Thabišo.

- *O na le kwelobohloko*

Mohlala: O swarela Rašuwa, ka gore Dikgomo tšona go hlabana tša 'šaka le tee (letl. 60)

(c) Baanegwa ba bangwe ba reng ka yena

- *Ke rathetho*

Mohlala: Semoka le Senyama ba bolela go re Ditau o bethile mosadi ofe ka gore yena ke rathetho (letl. 7 le 9)

- *Ke motho wa go ba le seatla*

Mohlala: Semoka le Senyama ba bolela go re Ditau o bethile mosadi wa gagwe (letl. 7)

(d) Mongwadi o reng ka yena

- *O na le boikgogomošo*

Mohlala: O be a re ge a ekwa motho a bolela ka leina la Thabišo, Ditau a name a šinyalale e ke o kwa monkgo wa madupa a khwephane (letl. 20)

(e) Leina la moanegwa

Leina la gagwe le sepelelana le ditiro gammogo le semelo sa gagwe.

O bogale ebile o fela a iša batho seatla gammogo le bao ba lekago go mo fa dikeletšo. Ke tau ka nnete.

Teori: 05 }
Dintlha: 10 } Diteng

Polelo = -Tirišo ya polelo: dika, diema, bj.bj.
-Thulaganyo ya polelo. = 05

Sebopego/Tlhamago = - Matseno, mmele le thumo
- Mafoko
- Ditemana = 05

[25]

POTŠIŠO YA 7: POTŠIŠO YA SETSOPOLWA**BADIMO BA BOLETŠE – MJ Mpepele****SETSOPOLWA SA A**

- 7.1 Kgorong. (1)
- 7.2 Tebelelo ke mokgwa wo ka wona mongwadi a hlalošago ditiragalo.
 • Mongwadi o dirišitše motho wa boraro
 • Mongwadi o dirišitše poledišano (3)
- 7.3 • Semoka, Senyama le Makgabo ba bolela ka maitshwaro a Ditau
 • Ditau le Mpimpi ke didupanamarago
 • Ditau o betha Mpimpi ge a tile go mmošša gore o imile (TSE PEDI fela) (2)
- 7.4 Balekwa ba tla fa diponelopele tša go fapana.
 Mohlala:
 Ponelopele ke go akanya seo se tlogo direga go lebeletšwe seemo sa bjale
 • Ditau le Mpimpi ba ka fediša sekgotse sa bona
 • Batswadi ba Mpimpi ba ka hloya Ditau (3)
- 7.5 Phekgogo ke tiragalo ye e hlolago thulano ya mathomo ya sengwalo.
 • Tiragalo ye e hlolago thulano: go ima ga Mpimpi
 • Thulano ya mathomo: Mpimpi le Ditau ba a lwa (TŠE PEDI fela) (2)
- 7.6 Balekwa ba tla fa dikarabo tša go fapana.
 Mohlala:
 • Go ba rathetho go tla mo nyatšiša ka setšhaba gomme lenyatšo leo la hlola go mo hlokiša seriti
 • Moetapele o swanetše go ba mohlala wa maleba setšhabeng (2)

SETSOPOLWA SA B

- 7.7 Ditau (1)
- 7.8 ... a šipha ka megokgo ... (1)
- 7.9 • Komanyi o letše a sa robala ka ge a be a lora tše mpe
 • O tšea sephetho sa gore yena, bakgomana le bafelegetši ba ye go Kgoši Pilošamadiba go yo rera ditaba tša go nyala Thabišo (2)
- 7.10 Mothalonako ke taetšo ya tatelano ya nako ya ditiragalo.
 • Go fetile matšatši a se makae ...
 • E rile letšatši leo le latelago ge le rotoša mahlasedi a lona Bohlabela... (3)
- 7.11 Balekwa ba tla fa maikutlo a go fapana.
 Mohlala:
 Maikutlo a lethabo
 • Ba thabišwa ke gore go ile go fetšwa ditaba tša go nyalwa ga Thabišo
 • Go tla ba le boroko ka ga kgoši ya Bakone (LE TEE fela) (2)

7.12 Balekwa ba tla tšweletša dikarabo tša go fapana.

Mohlala:

- Khabara ya puku e laetša monna yo a aperego tša setšo
- Monna yo o letša phalafala yeo gantši e letšwago ge go na le pitšo kgorong ya mošate
- Mola ditiragalo tša puku di le mabapi le ditaba tša setšo ebile kgafetšakgafetša banna ba bitšwa kgorong ya mošate go tlo seka melato le go hlopholla ditaba tša ka mošate le melato ya setšhaba

(3)
[25]

POTŠIŠO YA 8: POTŠIŠO YE TELELE

KGALAGALO TŠA SETU – MS Machitela

Mohlala wa karabo:

Teori ya tshwantšho ya baanegwa:

Semelo sa moanegwa se lebane le maitshwaro a gagwe. Wo ke mokgwa wo moanegwa a phelago ka gona go ya le ka moo mongwadi a mo tšweleditšego pading. Ge re sekaseka semelo sa moanegwa gantši go lebelelwa dintlha tšeo di latelago:

- Ditiro le dipolelo tša moanegwa
- Baanegwa ba bangwe ba reng ka yena
- Leina la moanegwa
- Polelo ya mongwadi goba molaodiši/moanegi

Semelo sa Molatelo

(a) Ditiro tša gagwe

- *Ga a hwe matwa*

Mohlala: O dula a hlodia Mojagobedi mabapi le go itlhomela mošašana wa bona (letl. 28)

- *O na le sephiri*

Mohlala: Ga a ka a botša mogatšagwe Mojagobedi le batswadi ka bolwetši bja kankere ya molomo wa popelo (letl.124 le132)

(b) Dipolelo tša gagwe

- *O na le sekgapo*

Mehlala: O fotlela Tumpu. O kgadimola Matome (letl. 41)

Tumpu o mo kgalela lešata poledišanong ya bona (letl. 41)

O omanya mogatša'gwe Mojagobedi (letl. 103)

- *O na le pelo e nnyane*

Mehlala: Ngaka Devendranath o ile go mmotha ka kankere ya molomo wa popelo, a šipha ka megokgo, a se tsebe ye ntsho le ye tšhweu (letl. 86 - 87)

O befeletše batswadi ba gagwe ge ba gana a hlala Mojagobedi (letl.124)

- *O na le maaka*

Mohlala: Ge a thoma go nwa dihlare tša kankere o boditše Mojagobedi gore ke tša madi a magolo (letl. 91)

- *O na le mahlapa*

Mohlala: O hlapaotše Mphapantšhi mabapi le go ba mabolayaasega ga gagwe (letl. 141)

O re go Tumpu, 'O ka se tloge lapeng la gago Solomondale kgole bjalo, wa tla wa mpotša boloko ka lapeng la ka' (letl. 41)

(c) Baanegwa ba bangwe ba reng ka yena• *O na le mahlapa*

Mohlala: Mojagobedi ge a bolela le Tumpu o re: 'Le gona ga se a mo omanyana, o tloga a mo hlapootše ka go re o mmiditše sehlotlolo seo se tšeelago bangwe banna.' (letl. 33)

• *O na le lehufa*

Mohlala: Mojagobedi o hlaloša go re: 'Ge nka lebala sellathekeng sa ka o tla šala a se kgotlakgotla. Tšatši le lengwe gape o ile a ba a leletša Thabitha mogala a mo omanyana.' (letl. 33)

(d) Mongwadi o reng ka yena• *O na le lehufa*

Mohlala: Mongwadi o hlaloša go re Mojagobedi o lemogile ka morago ga sebaka se se telele gore o nyetše mmalehufane wa go fetelela. (letl. 31)

• *Ke matheetšabohle*

Mohlala: Mongwadi o hlaloša gore ka morago ga ge Molatelo a se no kwa ditaba tša go tšwa go Mphapantšhi ka monna wa gagwe, o fihlile gae a befetšwe kudu marama a kukumogile o ka re ke senana se kobotšwe ke dikgogo. (letl. 121)

(e) Leina la moanegwa

Leina la gagwe le sepelelana le ditiro tša gagwe. Ge a ekwa taba o fo latela ntle le go kgonthiša bonnete bja yona.

Teori: 05 }
Dintlha: 10 } Diteng

Polelo = -Tirišo ya polelo: dika, diema, bj.bj.

-Thulaganyo ya polelo. = 05

Sebopego/Tlhamago = - Matseno, mmele le thumo

- Mafoko

- Ditemana = 05

[25]

POTŠIŠO YA 9: POTŠIŠO YA SETSOPOLWA**KGALAGALO TŠA SETU – MS Machitela****SETSOPOLWA SA C**

- 9.1 Bookelong bja Kgapane (1)
- 9.2 Tebelelo ke mokgwa wo mongwadi o hlalošago ditiragalo.
 • Mongwadi o dirišitše motho wa boraro
 • Mongwadi o hlaloša ditiragalo ka fao di diragalago
 • O tšweletša ponelopele ya gagwe (3)
- 9.3
 • Molatelo o gapeletša Mojagobedi gore ba hwetše setsha
 • Mojagobedi o a phetlagana eupša mafelelong o a dumela (2)
- 9.4 Balekwa ba tla fa diponelopele tša go fapana.
 Mohlala:
 Ponelopele ke go akanya seo se tlogo go direga ka seemo sa bjale
 • Lenyalo la bona le ka phuhlama ka ge Mojagobedi a ka se kgotlelele maitshwaro a Molatelo
 • Se se ka mo dira gore a be motho wa naga ka ge a sa ipshine ka selo ka lapeng la gagwe (3)

- 9.5 Phekgogo ke tiragalo ye e hlolago thulano ya mathomo.
 • Setsopolweng se, Molatelo o tšweletša kgopolo ya go nyaka setsha, eupša Mojagobedi ga a kwane le yona. Se se hlola thulano ya mathomo ya padi ye. Ka go realo setsopolwa se ke phekgogo ya padi (2)

- 9.6 Balekwa ba tla fa dikarabo tša go fapana.
 Mohlala:
 Ga se sa maleba
 • Ka gobane ka setšo Mojagobedi ga se a swanela go tšwa ka lapeng pele moratho wa gagwe a nyala
 • Batswadi ba Mojagobedi ba nyetše Molatelo gore a tle a kgone go ba thuša ka ge ba tšofetše

GOBA

- Ke sa maleba
 • Ka sebjalebjae ga go sa na mošalagae. Mohlala: Go gatelela ditokelo
 • Molatelo o rata go ipshina le monna wa gagwe a sa šitišwe ke selo/ntle le tšhitišo (2)

SETSOPOLWA SA D

- 9.7 Molatelo. (1)

- 9.8 Sehloa sa padi ye se tšwelela fao Mojagobedi a bonago ka gare ga faele gore Molatelo o swerwe ke bolwetši bja kankere ya molomo wa popelo. Molatelo o paletšwe ke go mmotša taba ye etšwe a dutše le yena bophelo ka moka. (2)

- 9.9 Mohlohleletši ke Mphapantšhi. (1)

- 9.10 Tekolanthago ke tiragalo ye e go gopotšago seo se diregilego kua morago.
 • Ka go utolla gore Molatelo o swerwe ke bolwetši bja kankere ya molomo wa popelo, Mojagobedi o thoma go lemoga gore maitshwaro a Molatelo a go thaba le go homola kudu a be a hlohleletšwa/hlolwa ke bolwetši bjo
 • O lemoga gape gore ke ka lebaka la eng a be a sa nyake go hweletša Matome moratho (3)

- 9.11 Balekwa ba tla fa maikutlo a go fapana.
 Mohlala:
 Maikutlo a makalo/letšhogo
 • O makatšwa le go tšhošwa ke go lemoga gore Molatelo o na le bolwetši bja kankere ya molomo wa popelo
 • Molatelo o be a homoletše eng ka taba ye ye kgolo nako ye kaaka (Ntlha E TEE fela) (2)

- 9.12 Balekwa ba tla tšweletša dikarabo tša go fapana.
 Mohlala:
 • Diteng tša puku di mabapi le setu sa Molatelo ka bolwetši bja gagwe bja kankere ya molomo wa popelo
 • Khabara ya puku e na le seswantšho sa ambulense yeo e tsenago ka bookelong e rwele Molatelo (3)

[25]

GOBA

KANEGETOTŠHABA**POTŠIŠO YA 10: POTŠIŠO YE TELELE****TODI YA BATLOGOLO – M Makgopa****Mohlala wa karabo:****NONWANE: 'TŠHWENE KE MOTHO, GA E BOLAWE'****Mohlala wa karabo:****Teori ya tshwantšho ya baanegwa:**

Semelo sa moanegwa se lebane le maitshwaro a gagwe. Wo ke mokgwa wo moanegwa a phelago ka gona go ya le ka moo mongwadi a mo tšweleditšego pading. Ge re sekaseka semelo sa moanegwa gantši go lebelelwa dintlha tšeo di latelago:

- Ditiro le dipolelo tša moanegwa
- Baanegwa ba bangwe ba reng ka yena
- Maina a baanegwa
- Polelo ya mongwadi goba molaodiši/moanegi

Monna/Mokgalabje wa Mapulaneng**(a) Ditiro tša moanegwa**

- *Ke lerema*

Mohlala: O be a eya lešokeng go tsoma ka masa le ka dinako tša go bulela dikgomo le ka meriti gomme ge a boa o boa a rwele ye nngwe ya diphoofolo tša naga, bontši di sa phela gore a tle a di ruwe (Ge a ile go tsoma ga a boe fela) (letl. 57)

- *Ke ngaka ya go remela*

Mohlala: O be a remela basadi gomme ge ba šetše ba na le bana o be a ba laela gore ba tliše bana bao ba tlo golela go yena ka ge e le bana ba badimo (letl. 57)

(b) Dipolelo tša gagwe

- *O be a dumela go badimo*

Mohlala: O be a re bana bao ba belegego ke basadi bao a ba remetšego ke bana ba badimo (letl. 57)

(c) Baanegwa ba bangwe ba reng ka yena.

- *Ke moloji*

Mohlala: Batho ba mo motseng ba be ba re o a loya ge ba bona mokgwa wo a phelago ka gona

O be a na le bana ba bantši fela bommagobona ba sa tsebje

Ge a opela tšhwene e a mo theeletša. (letl. 57)

(d) Polelo ya moanegi

- *Ke motho wa makatika*

Mohlala: Ge tšhwene e rakedišwa mo motseng o a e opelela a phaphatha magoswi gomme ya retologela fao lentšu la gagwe le kwalago gona (letl. 58)

- *O na le boitshepo*

Mohlala: Ge a tlišitšwe pele ga setšhaba a latofatšwa ka boloi o bolela ka boitshepo go re o bone bokaone e le go ipulela Manyeleti ka mo ga gagwe ka go rua diphoofolo le go bjala mehlare. (letl. 58)

- *O na le nnete*

Mohlala: Kgoši o laela masogana go ya ga gagwe gomme ge ba fihla ba hwetša tšeo ka moka a di boditšego kgoro e le therešo gore o tlišitše tlhago ka gae (letl. 58)

- *Ke motho wa go rata le go lota tlhago*
Mohlala: O ruile diphoofolo tšeo a bonago o kare di a hwelela le legora la gagwe o le dirile ka mehlare yeo a bonago e ka e a hwelela mo tikologong ya bona
- *Ke monna wa maikarabelo/go thuša setšhaba*
Mohlala: O alafa batho, kudu bana, ba malwetši a go fapana. O diriša maswi a diphoofolo tšeo a di ruilego, medu le matlakala a mehlare (letl. 58)
- *Ke motho wa go thabiša batho*
Mohlala: Ge masogana a ile go kgonthiša ka kua ga gagwe ka taelo ya kgoši ka morago ga boipobolo bja gagwe, ba ile ba ipshina ka go bona diphoofolo tša mehutahuta ba lebala le gore setšhaba se ba emetše kua kgorong (letl. 59)

(e) Leina a moanegwa.

Ke monna/mokgalabje wa Mapulaneng. Ga se gore monna yo mongwe le yo mongwe wa Mapulaneng ke ngaka. Ka go realo leina la gagwe ga le amane thwii le semelo sa gagwe.

Teori: 05 }
Dintlha: 10 } Diteng
Polelo = -Tirišo ya polelo: dika, diema, bj.bj.
-Thulaganyo ya polelo. = 05
Sebopego/Tlhamego = - Matseno, mmele le thumo
- Mafoko
- Ditemana = 05

[25]**POTŠIŠO YA 11: POTŠIŠO YA SETSOPOLWA****TODI YA BATLOGOLO – Makgopa M****SETSOPOLWA SA E****NONWANE: 'MMUTLA LE MPŠA'**

- 11.1 O a welawela, o a welawela. (1)
- 11.2 Bošego/maitišong. (1)
- 11.3 Gagabolefšega ga go lliwe, go lliwa gabomogale.
 - Motho yo boi gantši ga a ke a welwa ke mathata efela yo a itirago mogale o fela a wela kotsing
 - Ge o bona kotsi go kaone go tšhaba gore o bolokege

GOBA

Hlogo ye meetse e lotwa ke mong.
 - Motho o swanetše go itota ka boyena ge a bona mathata
 - Go bolokega dikotsing motho o swanelwa ke go itota ka boyena
(3)
- 11.4
 - Mmutla o tšweletšwa e le phoofolo ya bohlae mo dinonwaneng
 - O fela o hlalefetša diphoofolo tše dingwe
 - Ke moradia
(3)

- 11.5
- Moanegi o anega ditiragalo bjalo ka ge di direga
 - O diriša poledišano ya baanegwa ka go fela a fetola segalo sa gagwe
 - O anega ka go diriša motho wa boraro
 - O nyaka gore batheeletši ba mo dumele go laetša gore ba mo theeditše ka go fela ba re 'Nkano, Nkano!' goba 'Keleketla!' (TŠE PEDI fela) (2)
- 11.6 Ke nonwanekakanyotlhalošo.
- Nonwane ye e re thuša go kwešiša tlhologo ya bonaba bja mmutla le mpša (2)
- 11.7 Balekwa ba tla tšweletša dikarabo tša go fapana.
Mohlala:
Batho ba go hloka nnete
- Mpša e fetogetše mmutla wo e bego e le bagwera ge e bona motho
 - Mpša ge e bona mmutla ga e sa bona mogwera, eupša nama (3)

SETSOPOLWA SA F

THETOTUMIŠO: BABINATAU BA GAMALEKA

- 11.8 Tau (1)
- 11.9 Ga re nene... (1)
- 11.10 Sereto sa mohuta wo ke seretotumišo sa bogologolo.
- Morero wa seretotumišo sa bogologolo o mabapi le go utolla botšo bja kgoro ye e itšego
 - Sereti se ka hlatholla gape tswalano le phedišano ya bona (kgoro yeo) le merafe ye mengwe (E TEE fela) (2)
- 11.11
- Methalotheto ya 19 le 20 e hlaloša gore ba gaMaleka, setlogong sa bona ke Mapono a gaMzilikazi (1)
- 11.12
- Ka diteng – diretotumišo tša bogologolo diteng ke tša bogologolo mola sa sebjalebjaletse ditiragalo e le tša sebjalebjaletse
 - Matseno – matseno a diretotumišo tša segologolo ke a go ba le fomula mola tša sebjalebjaletse di se na fomula ya matseno
 - Phetho – thumo ya diretotumišo ša segologolo ke ya go ba le fomula mola tša sebjalebjaletse di se na fomula ya thumo (E TEE fela) (1)
- 11.13
- Diretotumišo tša setšo di rungwa ka fomula ya 'Ke tšhaba mediti/baditi'/'Selepe gomela ...'
 - Polelo ye bjalo e šupa gore sereto ga se sa felela, sereti se no ba se boloka nako/se šitwa go tšwela pele ka sereto (2)

11.14 Balekwa ba tla tšweletša dikarabo tša go fapana.

Mohlala:

Ke tshwanelo

- Ka go latišiša leloko motho o kgona go itseba gore ke yena mang, o tšwa kae
- Go thuša go lota histori
- O tla kgona go tseba badimo ba gagwe, ge a phasa (TŠE PEDI fela)

GOBA

Ga se tshwanelo

- Go na le batho bao ba sa dumelego taba ye ya badimo
- Batho ba bangwe ga ba bone mohola go histori ya leloko

(2)
[25]

PALOMOKA YA KAROLO B: 25

KAROLO YA C: PAPADI/TERAMA**POTŠIŠO YA 12: POTŠIŠO YE TELELE****O IPHIHLETŠENG? – L Maphoso****Mohlala wa karabo:****Teori ya tikologo**

Tikologo ya sengwalo ke lefelo la ditiragalo tša baanegwa ka nako yeo e rileng. Ka go realo go ka thwe tikologo e lebane le nako le felo. Go na le mehuta ye mebedi ya tikologo, e lego tikologo ya sebjalebja le ya segologolo. Yona mehuta ye e laolwa ke diteng tša sengwalo. Mohola wa tikologo ke go tšwetša pele moko/morero wa papadi le go laetša tšwetšopele ya babapadi – tshwantšho ya babapadi. Mo tikologong ya segologolo diteng di lebane le ditaba tša segologolo tšeo di diregago mafelong a bogologolo ka nako ya bogologolo. Ditaba tšeo di lebane le bogoši, boloi, go ahlola melato kgorong, masolo a go tsoma, dintwa tša marumo, bjalobjalo. Tikologo ya sebjalebja ka gare ga sengwalo, go šupša gore diteng tša sengwalo seo di lebane le ditaba tša sebjalebja tšeo di hwetšwago mafelong a sebjalebja, nakong ya sebjalebja. Go ka bolelwa ka mafelo a go swana le ditoropong fao go bago le ditsela tša sekontiri, dipara, dikoloi, dikuranta, yunibesithi, makgotla a bašomi, bjalobjalo. Ka leago, go bolelwa ka tswalano gare ga tikologo le babapadi ka gobane ditiragalo tša babapadi di diragala lefelong le le rilego ka nako ye e itšego, e lego yona tikologo ya sengwalo. Tikologo e arotšwe ka dikarolo tše tharo, e lego nako, lefelo le leago.

Tirišo/Dintlha**Tikologo ya O iphihletšeng?**

Tikologo ke ya sebjalebja.

Nako: Mosegare

- Rebone o botša tatagwe gore o tšweletše dithutong tša gagwe tša marematlou. Mahunela o mmošša ge a se na tšhelete ya go mo iša sekolong (letl. 19)
- Morutiši Kgoroši le Moruti Shai ba boledišana ka go atlega ga Rebone gabotse ditlahlobong tša marematlou (letl. 23)
- Mpoti o bolela a nnoši mabapi le kgopolo ya Mahunela ya gore a be mokgonyana wa gagwe (letl. 27)
- Rebone le Mpoti ba bolela ka Mahunela yo a tsenego botshwelamare (letl. 30)

Bošego

- Monyaku le Benjamene ba ipshina ka megolo ya bona thabeneng (letl. 25)
- Jemina o lemoša Mahunela ka ga ditokelo tša gagwe tša go iša Rebone sekolong (letl. 27)
- Shai o botša Malewe gore Mahunela o timeditše tšhelete ya Rebone ya go ya sekolong (letl. 43)
- Mahunela o ga Thokgola go huna bao ba mo leletšago kotikoti ka ditsebeng mabapi le go timela ga tšhelete ya Rebone ya go ya sekolong (letl. 45)

Mafelo

- Mabenkelengkoparara: Rebone o na le Hlogi, o utolla gore o tšweletše ka eksemšene (letl. 18)
- Lešakeng: Rebone o botša Mna Malewe le tatagwe gore o atlegile gabotse dithutong (letl. 19)
- Sekolong: Morutiši Kgoroši o boledišana le Moruti Shai ka go hloka tšhelete ga Rebone go tšwetša dithuto tša gagwe pele (letl. 23)

- Ka ntlong: Mahunela o nyaka ge Rebone a apea megwapa ya kgomo ya go longwa ke noga (letl. 24)
- Tšhatšofisi: Mahunela o bega molato wa gore modirelaleago Boreledi o mo lateletše ka lapeng a mmošša ge a swanetše go rekiša dikgomo go iša Rebone sekolong
- Botshwelamare: Mahunela o be a bala tšhelete ya gagwe ka gona

Leago

- Rebone o bone dipoelo tša gagwe kuranteng (letl. 18)
- Mahunela o gana go iša Rebone sekolong (letl. 19)
- Benjamene o iphediša ka go šoma ga Sebakweng go laiša mohlaba (letl. 20)
- Benjamene le babapadi ba bangwe ba na le dillathekeng go ikgokaganya (letl. 20)
- Benjamene o kgolegong ka ge go ya ka Mahunela a utšwitše tšhelete ya Rebone ya go ya sekolong (letl. 48)
- Jemina le Rebone ba ya kgolegong go hlola Benjamene matsogo (letl. 50)
- Modirelaleago Boreledi o ya go eletša Mahunela ka maikarabelo a botswadi (letl. 51–52)
- Mahunela o tšhatšhofisi go bega molato wa Boreledi (letl. 53)
- Ngaka Credo (dietician) o fa Mahunela diphilisi tša gore a farologe (letl. 71)
- Mahunela o etela ngaka Thokgola go mo hunelela gore a se sa hlodiwa (letl. 74)
- Rebone o phapošeng ya balwetši go hlola tatagwe matsogo (letl. 83)
- Jemina o iphediša ka go rekišetša batšofadi dijo motenteng (letl. 95)

Teori: 05

Dintlha: 10 } Diteng

Polelo = -Tirišo ya polelo: dika, diema, bj.bj.

-Thulaganyo ya polelo. = 05

Sebopego/Tlhamego = - Matseno, mmele le thumo

- Mafoko

- Ditemana = 05

[25]**POTŠIŠO YA 13: POTŠIŠO YA SETSOPOLWA****O IPHIHLETŠENG? – L Maphoso****SETSOPOLWA SA G**

- 13.1
- Nako: Mosegare
 - Lefelo: Lešakeng
- (2)
- 13.2 Ba ka bona sepoko.
- (1)
- 13.3 Mmino wa go aroganya ditemana tšeo di diregago ka nako tša go swana Mohola:
- Go aroganya ditemana tša go fapana
 - Go hlohleletša/tšweletša phego (Mohola O TEE fela)
- (2)

- 13.4 Balekwa ba tla fa diponelopele tša go fapana.
Mohlala:
Ponelopele ke go akanya seo se tlogo direga se huetšwa ke seemo sa bjale.
- Rebone a ka ipha naga bokamoso bja ya le muši wa dikwekwele
 - A ka gweba ka mmele go ikhweletša tšhelete
 - A ka se kgone go tšwela pele ka dithuto tša gagwe
 - A ka ipolaya
(TŠE THARO fela)
- (3)
- 13.5 Sethakgodi ke tiragalo yeo e hlolago thulano ya mathomo
- Go gana go iša Rebone sekolong ga Mahunela
- (2)
- 13.6 Balekwa ba tla fa dikgopolo tša go fapana.
Mohlala:
- Ba bangwe ba bana bao ba hwetša dipasari tša go ba thuša go tšwetša dithuto pele, mola
 - Meloko le Mekgatlo ya dikereke di kgona go thuša bana ba go hloka bao ba tšweletšego gabotse, ebile
 - Magoši le dikgoro tša mmušo di kgona go thuša baithuti ba go tšwelela gabotse ka mašeleng go tšwetša dithuto tša bona pele
- (3)
- SETSOPOLWA SA H**
- 13.7 Thulanontle. (1)
- 13.8 *(Ka mereba)*
(Ka pelobohloko)
(O kgangwa ke makalo)
(TŠE PEDI fela) (2)
- 13.9 Morero ke thuto yeo mongwadi a e solelago babadi.
- Pefelo ga e tliše tharollo, poledišano ke sona sebetša
 - Leswika leo baagi ba le nyaditšego e bile motheo wa sekhutlo
- (2)
- 13.10
- E tšweletša semelo sa mmapadi
 - E tšweletša maikutlo a mmapadi
 - E tšweletša thulano ya ka gare
 - E gapa nako ge babapadi ba itokišetša temana ye e latelago
(TŠE THARO fela)
- (3)
- 13.11 Kgegeophetogo ke mafelelo ao motheeletši a bego a sa a letela.
- Mongwadi o fegile batheeletši ka potšišo ya gore na tshwarelo yeo e bego e kgopelwa ke Sarinki e amogetšwe goba aowa
- (2)
- 13.12 Balekwa ba tla fa dikarabo tša go fapana.
Mohlala:
Maikutlo a kwelobohloko
- Rebone o tlaišegile bogolobobe a sa tsebe mothuši wa gagwe dithutong
- (2)

[25]

POTŠIŠO YA 14: POTŠIŠO YE TELELE**NAGA GA DI ETELANE – MS Serudu****Mohlala wa karabo:****Teori ya tikologo**

Tikologo ya sengwalo ke lefelo la ditiragalo tša baanegwa ka nako yeo e rileng. Ka go realo go ka thwe tikologo e lebane le nako le felo. Go na le mehuta ye mebedi ya tikologo, e lego tikologo ya sebjalebja le ya segologolo. Yona mehuta ye e laolwa ke diteng tša sengwalo. Mohola wa tikologo ke go tšwetša pele moko/morero wa papadi le go laetša tšwetšopele ya babapadi – tshwantšho ya babapadi. Mo tikologong ya segologolo diteng di lebane le ditaba tša segologolo tšeo di diregago mafelong a bogologolo ka nako ya bogologolo. Ditaba tšeo di lebane le bogoši, boloi, go ahlola melato kgorong, masolo a go tsoma, dintwa tša marumo, bjalobjalo. Tikologo ya sebjalebja ka gare ga sengwalo, go šupša gore diteng tša sengwalo seo di lebane le ditaba tša sebjalebja tšeo di hwetšwago mafelong a sebjalebja, nakong ya sebjalebja. Go ka bolelwa ka mafelo a go swana le ditoropong fao go bago le ditsela tša sekontiri, dipara, dikoloi, dikuranta, yunibesithi, makgotla a bašomi, bjalobjalo. Ka leago, go bolelwa ka tswalano gare ga tikologo le babapadi ka gobane ditiragalo tša babapadi di diragala lefelong le le rilego ka nako ye e itšego, e lego yona tikologo ya sengwalo. Tikologo e arotšwe ka dikarolo tše tharo, e lego nako, lefelo le leago.

Tikologo ya Naga ga di etelane

Tikologo ya papadi ye ke ya sebjalebja.

Tikologo e arotšwe ka dikarolo tše tharo, e lego nako, lefelo le leago.

Nako

- Bošego – Mphaka o lala a phapharegišwa ke toro
- Mesong ya LaMorena – Mphaka o rile go tsoga a ya go dula leswikaneng ka serapaneng
- Ke mathapama – Mphaka o tsena ka gae o hwetša Hunadi le Raisibe ba šetše ba boile kerekeng

Lefelo

- Lapeng la Mphaka – Mphaka le ba lapa la gagwe ba dula lapeng la bona kua Takone
- Kamoreng ya borobalo ngwakong wa Mphaka – Mphaka o a lora
- Kholetšheng ya Takone – Mphaka le Tokari ba boledišana ka sekolo sa bošego
- Ka pareng motseng wa Takone – Mphaka o fapana le Kala le Mbari
- Yunibesithing ya Letsheng la Mogadisho – Lebisi o begela Mphaka ka seemo sa ditaba Bonwatau

Leago

Tikologo ya leago e amana le phedišano ya babapadi.

Mohlala:

- Bophelo bja Mphaka le ba lapa la gagwe kua Takone morago ga go fura lela Bonwatau – Ba a hlorigwa, ba a gatelelwa le go kgetholla
- Bophelo bja Mphaka le bagwera ba gagwe boKala le Mbari – Ba a mo kaela ka la go re ke motšwantle
- Bophelo bja Mphaka kholetšheng ya Takone – Ba be ba sa nyake go amogela lenaneothuto la gagwe
- Bophelo bja Mphaka Letsheng la Mogadisho – Ba mo ngadiša ka go fa motho wa ka tlase ga gagwe maemo a ka godimo
- Phedišano ya lapa la Mphaka le baagišane ba bangwe mo yunibesithi

- Teori: 05 }
 Dintlha: 10 } Diteng
 Polelo = -Tirišo ya polelo: dika, diema, bj.bj.
 -Thulaganyo ya polelo. = 05
 Sebopego/Tihamego = - Matseno, mmele le thumo
 - Mafoko
 - Ditemana = 05

[25]

POTŠIŠO YA 15: POTŠIŠO YA SETSOPOLWA**NAGA GA DI ETELANE – MS Serudu****SETSOPOLWA SA I**

- 15.1 • Nako: Bošego malaong
 • Lefelo: Ka phapošeng ya go robala (2)
- 15.2 O a goelela. (1)
- 15.3 • Mphaka ke lefšega ka gobane a goelela
 • Lentšu le phela ka pelaelo/ le swere motho ka pelo/Lentšu le bogale (2)
- 15.4 Ponelopele ke go akanya seo se tlogo direga se huetšwa ke seemo sa bjale.
 • Madimabe e ka ba bogobe bja bona bja ka mehla/Ba ka tlaišega
 • Ba ka ja nta ba šeba ka lekgai (3)
- 15.5 Sehloa ke fao ditaba di fihlago mafelelong (Ke thulano ye kgolo ya mafelelo ya papadi).
 • Dipolelo tša mmago Mphaka torong di re 'Ditšhaba di tla bapala ka wena wa ba wa diket...' gomme sehloeng Mphaka o amogwa maatla kua Letsheng la Mogadisho, a fiwa ngwana wa mobu (2)
- 15.6 • Tiragatšo e theilwe godimo ga poledišano
 • E tliša phapano gare ga tiragatšo le mehutangwalo ye mengwe
 • E tšweletša dimelo tša baanegwa/babapadi
 • E tšweletša morero (3)

SETSOPOLWA SA J

- 15.7 Thulanontle (1)
- 15.8 (*O feleletša galase ya bjala*)
 (*Ba a tšwa Kala o tšama a gapa dipudi*) (2)
- 15.9 Morero ke thuto yeo mongwadi a e solelago babadi.
 • Diphapano di rarollwa ka poledišano ka ge ntlolerole e sa tswale kgoši
 • Tshenyo ga e nyakege ka ge e bušetša setšhaba morago (2)

- 15.10
- E tšweletša semelo sa mmapadi
 - E tšweletša maikutlo a mmapadi
 - E tšweletša thulano ya ka gare
 - E tšweletša morero
 - E gapa nako ge babapadi ba itokišetša temana ye e latelago (TŠE THARO fela)
- (3)
- 15.11 Kgegeophetogo ke mafelelo ao mmadi a bego a se a letela.
- Mmadi o be a sa letela go bona Mphaka yo a ikannego go hwa a swere tsela a boela gae Bonwatau
- (2)
- 15.12 Balekwa ba tla fa maikutlo a go fapana.
Mohlala:
Maikutlo a lehloyo
- Ga ba na mekgwa/maitshwaro
- GOBA**
- Maikutlo a lerato
- Matagwa ga a na sephiri
- (2)
[25]

POTŠIŠO YA 16: POTŠIŠO YE TELELE

LEHUFA – P Mothupi

Mohlala wa karabo:

Teori: Tikologo

Tikologo ya sengwalo ke lefelo la ditiragalo tša baanegwa ka nako yeo e rileng. Ka go realo go ka thwe tikologo e lebane le nako le felo. Go na le mehuta ye mebedi ya tikologo, e lego tikologo ya sebjalebja le ya segologolo. Yona mehuta ye e laolwa ke diteng tša sengwalo. Mohola wa tikologo ke go tšwetša pele moko/morero wa papadi le go laetša tšwetšopele ya babapadi – tshwantšho ya babapadi. Mo tikologong ya segologolo diteng di lebane le ditaba tša segologolo tšeo di diregago mafelong a bogologolo ka nako ya bogologolo. Ditaba tšeo di lebane le bogoši, boloi, go ahlola melato kgorong, masolo a go tsoma, dintwa tša marumo, bjalobjalo. Tikologo ya sebjalebja ka gare ga sengwalo, go šupša gore diteng tša sengwalo seo di lebane le ditaba tša sebjalebja tšeo di hwetšwago mafelong a sebjalebja, nakong ya sebjalebja. Go ka bolelwa ka mafelo a go swana le ditoropong fao go bago le ditsela tša sekontiri, dipara, dikoloi, dikuranta, yunibesithi, makgotla a bašomi, bjalobjalo. Ka leago, go bolelwa ka tswalano gare ga tikologo le babapadi ka gobane ditiragalo tša babapadi di diragala lefelong le le rilego ka nako ye e itšego, e lego yona tikologo ya sengwalo. Tikologo e arotšwe ka dikarolo tše tharo, e lego nako, lefelo le leago.

Tikologo ya Lehufa

Tikologo ya papadi ye ke ya sebjalebja.

Tikologo e arotšwe ka dikarolo tše tharo, e lego nako, lefelo le leago.

Nako

- Mesong – Boemapese bja Tafelkop Lerato o emetše senamelwa gomme go tšwelela sefatanaga sa Ntshepe, o a mo nametša
- Mosegare – Ntlogeleng o latelela Lerato mošomong wa gagwe
- Bošego – Lapeng la Ntshepe, Ntlogeleng o omanywa monna wa gagwe o re ratana le basadi ba banna ba bangwe

Lefelo

- Tafelkop – Mo Radithekisi le Lerato ba agilego gona
- Motetema – Motsesetoropo mo Ntlogeleng le Ntshepe ba agilego gona
- Groblersdal – Toropo yeo baanegwa ba rekago go yona
- Mamokgalake Chuene – Kholetšhe ya borutiši mo Ntshepe a šomago gona
- Bookelong bja Glen-Cowie – Moo Lerato a bego a okwa gona
- Bookelong bja Ga-Rankuwa – Moo Radithekisi a bego a okwa gona

Leago

Tikologo ya leago e amana le phedišano ya baanegwa

- Bophelo bja Radithekisi le Lerato ke bja tlhorišo, kgatelelo le lehufa
- Bophelo bja Ntlogeleng le Ntshepe ke bja lenyatšo le lehufa
- Phedišano ya bona: Ntlogeleng o latelela Lerato yo a bego a na le Monamudi, kua mabenkeleng go mo roga
- Bophelo bja Ntshepe le Lerato ke bja tlhomphe le lerato
- Phedišano ya bona: Radithekisi o thwala Tsarane le Leepo go ja Lerato leonyana le go bolaya Ntshepe
- Dikamano tše di tšweletša leago leo le tšwetšago moko wa papadi ye pele. E re thuša go kwešiša le gore babapadi ke batho ba mohuta mang

Teori: 05

Dintlha: 10 } **Diteng**

Polelo = -Tirišo ya polelo: dika, diema, bj.bj.

-Thulaganyo ya polelo. = 05

Sebopego/Tlhamago = - Matseno, mmele le thumo

- Mafoko

- Ditemana = 05

[25]

POTŠIŠO YA 17: POTŠIŠO YA SETSOPOLWA**LEHUFA – P Mothupi****SETSOPOLWA SA K**

- 17.1
- Nako: Mantšiboa
 - Lefelo: ka phapošeng ya go robala/tafoleng (2)
- 17.2
- Ga o na dihlong, monnatena! Kgane ebile o a di tseba gore ke tša mang?
 - Ke kgale ke go bona... Ntshepe
 - Tlogela kua
 - Hee, wena Ntshepe! Ke dinomoro tša mang tše? (E TEE fela) (1)
- 17.3
- Ntlogeleng o na le lenyatšo mola Ntshepe e le motho wa boikobo. (2)
- 17.4
- Ponelopele ke go akanya seo se tlogo direga se huetšwa ke seemo sa bjale.
- Go ka dula go rena mašata ka lapeng la bona
 - Go se tshepane e ka ba sejo sa bona (3)
- 17.5
- Phekgogo ke tiragalo yeo e hlolago thulano ya mathomo ka gare ga papadi.
- Setsopolwa se mabapi le go hwetšwa ga dinomoro tša mogala ka baking ya Ntshepe ke Ntlogeleng
 - Se se hlola thulano gare ga Ntshepe le Ntlogeleng e lego yona phekgogo ya papadi ye (2)

- 17.6
- Tiragatšo e theilwe godimo ga poledišano
 - E tliša phapano gare ga tiragatšo le mehutangwalo ye mengwe
 - E tšweletša dimelo tša baanegwa/babapadi
- (3)

SETSOPOLWA SA L

- 17.7 Thulanontle (1)
- 17.8
- O a tšhoga ebile o bula mahlo
 - Ka bogale
 - O tšhogile ebile o makatše
 - Ka pelo ya go kwa bohloko
(TŠE PEDI fela)
- (2)
- 17.9 Morero ke thuto yeo mongwadi a e solelago babadi.
- Setsopolweng se go kgwalwa lehufa leo le dirišago Radithekisi diphošo ka go latelela Lerato ka kerekeng a mo tšea go sa rapelwa
- (2)
- 17.10
- E tšweletša semelo sa mmapadi
 - E tšweletša maikutlo a mmapadi
 - E tšweletša thulano ya ka gare
 - E gapa nako ge babapadi ba itokišetša temana ye e latelago
(TŠE THARO fela)
- (3)
- 17.11 Kgegeophetogo ke mafelelo ao mmadi a bego a se a letela.
- Mmadi o be a sa letela go bona Radithekisi wa senganga a kgopela tshwarelo go Lerato le Ntshepe.
- (2)
- 17.12 Balekwa ba tla fa maikutlo a go fapana
Mohlala:
Maikutlo a lehloyo/manyami
- Lehufa le thuba motse
 - Motho a ka bolaya ka baka la lehufa
- (2)
[25]

PALOMOKA YA KAROLO YA C: 25
PALOMOKA YA TLHAHLOBO: 80

KAROLO YA A: RUBRIKI YA GO SWAYA DIPOTŠIŠO TŠE TELELE: THETO [MEPUTŠO YE 10]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
DITENG	5 – 6	4	3	2	0–1
Tihalošo ya sererwa. Botebo bja dikgopolo, kgonthišo le kwešišo ya setsopolwa MEPUTSO YE 6	-Tihalošo ye e tseneletšego ya sererwa -Tatelano ya dikgopolo tša go ba le maatlakgogedi tša go amana thwii le temana. -Kwešišo ye e tseneletšego ya sengwalwa le sereto.	-Kwešišo le tihalošo ye botse ya sererwa. -Potšišo e arabilwe ka botlalo. -Dikgopolo tšeo di filwego di a kwala eupša ga se tšona ka moka tšeo di hlalošitšwego ka mo go nyakegago. -Kwešišo ya sengwalwa le sereto e bonetše.	-Tihalošo ye e kgotsofatšago ya sererwa. -Go na le dintlha di se kae tšeo di amanago le sererwa. -Tše dingwe tša dikgopolo di a kwagala eupša ga di kgodiše. -Kwešišo ya motheo ya sengwalo le sereto.	-Tihalošo ya sererwa ga e kgotsofatše. -Ga go dintlha tšeo di amanago le sererwa. -Ga go kwešišo ya sengwalwa le sereto.	-Ga go kwešišo ya sererwa. -Karabo ga e sepelelane le sereto. -Morutwana ga a tsebe selo ka ga sengwalwa le sereto.
SEBOPEGO LE POLELO	4	3	2	1	0-1
Sebopego, kelelo le kalo ya dikgopolo Polelo, segalo le setaele tšeo di dirišitšwego ge go ngwalwa taodišo MEPUTSO YE 4	-Sebopego se tšweletša tlemagano ya dikgopolo ye botsebotse. -Dikgopolo di hlamegile ebile di tšweleditšwe ka bokgwari. -Polelo, segalo le setaele di a kgahliša, ke tša maleba ebile di tšwele mahlalagading. -Ga go na le phošwana e tee ya popopolelo, mopeleto le maswaodikga.	-Sebopego se tšwelela gabotse ebile se tšweletša go ela ga dikgopolo. -Kelelo ye botse ya dikgopolo. -Polelo, segalo le setaele ke tša maleba.	-Sebopego se a tšwelela. -Taodišo ga e na kelelo ye botse ya dintlha ebile ga go tlemagano ya dikgopolo. -Diphošo tša polelo ke tše nnyane eupša segalo le setaele ke tša maleba.	-Sebopego se bontšha diphošo tša peakanyo. -Dikgopolo ga se tša beakanywa ka tatelano ye botse. -Diphošo tša polelo ke tše ntši. -Segalo le setaele di fošagetše.	-Sebopego ga se sa maleba. -Diphošo tša polelo ke tše ntšintši ebile le setaele se fošagetše kudu.

KAROLO YA B LE C: RUBRIKI YA GO SWAYA DIPOTŠIŠO TŠE TELELE – PADI, KANEGELOTŠHABA LE PAPADI [MEPUTSO YE 25]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
DITENG Tlhalošo ya sererwa Botebo bja dikgopolo, kgonthišo le kwešišo ya setsopolwa MEPUTSO YE 15	12–15 -Karabo ye botsebotse go fetiša: 14–15. -Karabo ye botsebotse: 12–13. -Tlhalošo ye e tseneletšego ya sererwa. -Tatelano ya dikgopolo tša go ba le maatlakgogedi tša go amana thwii le temana. -Kwešišo ye botsebotse ya sengwalwa le setsopolwa.	9–11 -Kwešišo le tlhalošo ye botse ya sererwa. -Potšišo e arabilwe ka botlalo. -Dikgopolo tšeo di filwego di a kwala eupša ga se tšona ka moka tšeo di hlalošitšwego ka mo go nyakegago. -Kwešišo ya sengwalwa le setsopolwa e a bonala.	6–8 -Kwešišo ya magareng ya sererwa eupša ga se dintlha ka moka tšeo di hlalošwago ka botlalo. -Bontši bja dintlha di amana le sererwa. -Tše dingwe tša dikgopolo di a kwagala eupša ga di kgodiše. -Kwešišo ya motheo ya sengwalwa le setsopolwa.	4–5 -Kwešišo ye nnyane ya sererwa. -Ga go dintlha tšeo di hlalošwago ka botlalo. -Dintlha tše nnyane di amana le sererwa. -Tlhalošo e amana gannyane le sererwa. -Kwešišo ye nnyane ya sengwalwa le setsopolwa.	0–3 -Ga go kwešišo ya sererwa. -Maiteko a go araba potšišo a fokola kudu. -Ditlhalošo ga di kgotsofatše. -Morutwana ga a tsebe sengwalwa goba setsopolwa.
SEBOPEGO LE POLELO Sebopego, kelelo le kalo ya dikgopolo Polelo, segalo le setaele tšeo di dirišitšwego ge go ngwalwa taodišo MEPUTSO YE 10	8–10 -Sebopego se tšweletša tlemagano ya dikgopolo ye botsebotse. -Matseno le mafetšo ke a mabotse kudukudu. -Dikgopolo di hlamegile ebile di tšweleditšwe ka bokgwari. -Polelo, segalo le setaele di a kgahliša, ke tša maleba ebile di tšwele mahlalagading.	6–7 -Sebopego se tšwelela gabotse ebile se tšweletša go ela ga dikgopolo. -Go na le tlemagano ye botse magareng ga matseno, mafetšo le ditemana tše dingwe tša taodišo yeo. -Kelelo ye botse ya dikgopolo. -Polelo, segalo le setaele ke tša maleba.	4–5 -Sebopego se a tšwelela. -Peakanyo le tlemagano ya dikgopolo e gona eupša e na le mafokodi. -Diphošo tša polelo ke tše nnyane eupša segalo le setaele ke tša maleba. -Peakanyo ya ditemana ke ya maleba.	2–3 -Sebopego se bontšha diphošo tša peakanyo. -Dikgopolo ga se tša bewa ka tshwanelo. -Diphošo tša polelo ke tše ntši. -Segalo le setaele ga se tša maleba. -Peakanyo ya ditemana e fošagetše.	0–1 -Tlhokego ya peakanyo ye botse ya sebopego e dira gore dikgopolo di se elele gabotse. -Diphošo tša polelo le setaele sa go fošagala di dira gore go be bothata go bala le go kwešiša molaetša wa taodišo. -Segalo le setaele di fošagetše kudu. -Peakanyo ya ditemana e fošagetše kudu.
KABO YA MEPUTSO	20–25	15–19	10–14	5–9	0–4